

春秋左傳釋人

春秋左傳釋人卷十一

河內范照藜乙青纂

婦人考

王朝后妃

紀季姜桓王后紀女桓八年祭公自魯在逆之九年歸於京

師

王姚

莊王妾姚姓女生子頹莊十九年薦國等奉之作亂

陳媯

惠王后陳女莊十八年原莊公道之生襄王及王子

帶後寵帶卒以致亂事在僖二十四年

隗氏

襄王妾狄女王以狄伐鄭德狄人立氏爲后後通於

王子帶王廢之僖二十四年氏助帶作亂逐襄王帶以氏居於温明年晉文公納王殺帶氏未詳所終

王后

定王后齊女宣六年召桓公逆之

王后

靈王后齊女襄十五年劉夏逆之

王穆后

景王后王太子壽母昭十五年卒案古者婦人無

諡死以夫之諡冠之以明所屬如衛莊姜宋共姬是也末世別爲婦人作諡不屬於其夫已非矣今景王未崩而婦稱穆后是婦獨以諡行也尤爲失禮

王朝諸婦

周郊婦人无尹固而譏之見昭二十九年案王朝婦女見傳

者止此一人氏族亦未詳

魯夫人

孟子

惠公元妃宋女早卒

聲子

惠公繼室宋女隱公母聲其說也隱二年卒 案經

書君氏卒傳以爲隱公之母聲子其說甚是書卒而不書薨者不得齊於桓母之子氏也顧氏以子氏爲隱公夫人豈有其妻當書薨而其母反書卒者乎與公羊傳謂是周之大夫尹氏者同一謬見斷不可從

仲子

惠公妾宋武公女桓公母隱二年卒 案徒以手文

有魯夫人字遂歸於魯而惠遂夫人之隱亦奉其子

而共夫人之以妾爲妻當自此始 顧氏以爲是惠
公之母仲子非桓公之母仲子引文九年秦人來歸
僖公成風之椽爲証又引穀梁云仲子者何惠公之
母孝公之妾也以駁左氏夫三傳傳聞異詞各有所
受必是公穀而非左氏似亦非持平之見就左氏之
傳以釋左氏之人固不必別徵公穀矣顧與學者共
質之 隱二年經書夫人子氏薨卽桓公之母仲子
也顧氏引穀梁謂是隱之夫人非桓公之母仲子以
駁左氏與上條同一偏見不可以不辨

文姜

桓公夫人齊僖公女莊公母桓三年逆之六年生莊

公十八年同公如齊通於其兄襄公而公被害莊元年孫子齊其後數會享襄公襄公弑又如齊會桓公且屢如莒莊公不能稍爲防閑所以見譏於齊人也莊二十一年薨 莒姜氏以弑逆淫亂之人得罪宗廟通國不容莊公以子母之情不忍棄絕死而歸葬是矣又別爲之諡曰文而不復繫於桓公失禮已甚自是魯夫人死皆別爲立諡聲敬穆齊都不復繫屬於其君其亦愧乎猶乘周禮之稱也夫

哀姜

莊公夫人齊襄公女閔公嫡母莊二十四年公如齊親逆後通於公子慶父閔二年與慶父弑君遂孫子

邾齊人取而殺之僖元年請其尸歸葬於魯

叔姜

哀姜弟閔公生母

孟任

黨氏女亦莊公夫人公子般母 案此人當是莊公

元妃卒後始逆哀姜蓋元年公已十四歲豈有卽位
二十四年年已三十七歲猶無夫人正位於內耶

成風

莊公妾僖公生母須句女以僖公屬成季故得立僖

二十一年邾滅須句其君奔魯成風言於公取而封
之文四年薨 案經文薨稱夫人葬稱小君妾母公
然僭用夫人之禮自成風始

辟姜

僖公夫人齊桓公女文公母僖十一年與公會齊桓

公於陽穀十七年齊以魯取項止公姜會桓公於卞
請而釋之文十六年薨

出姜

文公夫人齊女文四年逆於齊生子惡及視十八年
公薨公子遂殺二子而立宜公姜大歸於齊

敬嬴

文公二妃宜公母嬖於文公屬宜公於公子遂故遂
立之宜八年薨

穆姜

宣公夫人齊女成公母宣元年公子遂逆之成公時
通於叔孫僑如要公逐季孟兩家不果後遷居東宮
襄九年薨距宣元年四十五年矣 案葉氏世族譜
補考云宣元年娶穆姜十八年宣公卒成公二年公

衛爲質公衛成公子也成公爲穆姜所生則成二年
不得有長成之男卽公衛之年而知成公非穆姜子
謂穆姜生成公者似誤愚按此說甚爲有見附記於
此若成公爲穆姜所生則公衛必非成公之子

齊姜

成公夫人齊女襄公嫡母齊諡也成十四年叔孫僂
如逆之襄二年薨案葉氏云齊姜是齊女姜氏當
如鄧曼陳媯之類杜註以齊爲諡似非此說儘通然
昭公母齊歸齊亦未嘗非諡也善讀左氏者再參之

定姒

成公妾襄公生母杞女定諡也襄四年薨

敬歸

襄公妾胡女生子野以毀卒案襄公四歲卽位立

九年冠於衞年十二歲其後經傳俱未見逆夫人亦不知正妃夫人爲誰當是缺文

齊歸

敬歸婦昭公母齊諡也昭十一年薨

孟子

昭公夫人吳女也諱之爲宋女哀十二年卒不稱夫人小君季氏之惡至矣 距昭公卽位時六十年矣

公衍母

公爲母二人皆昭公妾公衍先生公爲母留之三日約偕告及公爲生其母乃先以告故公爲爲兄後昭公黜爲而立衍卒皆不得立見昭二十九年

定嬖

定公夫人杞女哀公母定十五年繼公卒不稱夫人

左傳

卷十一

五

始不及齊

小君是不以夫人待之也三家之罪可勝誅哉 案此定姒乃冠以公諡之稱非前定姒比也魯夫人之冠以君諡者惟此一入而已

今子荆母哀公嬖妾立之爲夫人見哀二十四年 案哀公夫人亦不見經傳 考隱公夫人經傳亦缺如說者徑以隱二年薨之夫人子氏當之其說甚謬已詳辨於前聲仲兩夫人下仍當以缺疑爲是附記於此

魯諸婦

卜士妻

宗婦

二人皆見桓六年

宗婦

莊二十四年夫人姜氏至與大夫同贊以見者 案

宗婦同姓卿大夫之妻也上距桓六年已三十七年

矣傳雖無明文當非一人故再列之

女公子莊公女孟任所生公子般妹見莊三十二年

伯姬 僖公女未嫁而卒見僖九年

季女子妻陳女見文六年

戴已 公孫敖妻莒女孟文伯母

聲已 戴已姊孟惠叔母戴聲皆謚並見文七年

已氏 莒女文七年公孫敖爲從弟公子遂聘見其美自取

之遂怒欲攻敖叔仲惠伯和之使還莒入年敖奔莒

從之生二子教竟死於莒

聲伯妻莒女見成八年

聲伯母宣公同母弟叔旂妻生聲伯被出嫁齊管於奚生子
女而寡復歸聲伯見成十一年

施季婦聲伯母後嫁所生聲伯以妻季叔又奪之以嫁晉祁
華生二子祁氏亡復歸施氏見成十一年

公姑姊襄二十一年季武子以妻邾庶其 案古人謂父姊

曰姑姑父妹曰姑姑不若後人之卑稱姑也襄十二
年傳文可據此傳姑姑正是襄公姑成公姊故曰姑
姊以年考之疑其老而寡可也何得妄分爲二人耶

鑄女

臧宣叔妻生買及爲而死

繼室

鑄女之姪生臧孫紇

和姜之媵

繼室之母紇之外祖母已上三人皆見襄二十三年

案此人母家夫族俱無考因臧氏類及之故附於

此

國姜

叔孫豹妻齊國氏女豹奔齊所娶生孟丙仲壬豹歸

未及逆而齊公孫明娶之後仍歸於豹

齊祭婦人叔孫豹奔齊時遇而私之後生子牛符豹夢寵之卒

亂其家 已上二人並見昭四年 案以穆叔之賢

偶私一婦人而其後幾至覆宗淫禍之烈如此有位

者可不戒哉或謂孟僖子亦有泉邱二女之事何獨
無禍不知奔則爲妾周禮弗禁非僖子之淫於二女
也固不得以庚宗婦人例之矣

泉邱人女與其僚奔孟僖子生懿子與敬叔因其僚無子以敬
叔與之

其僚 鄰女爲僚友者 使僖子不受二女之奔則終無子
矣天下事往往有得諸意外者不必盡以常道論也
遺氏 孟僖子妾二女奔僖子使處其室 已上三人並見

昭十一年

季平子妻宋元公女小邾之甥也昭二十五年叔孫婁聘宋代

爲之逆

季妣

季公烏妻齊鮑文子女季平子叔母也生子申後通

於饗人植

其妾

季妣使之扶已以示秦姬而譖公若等

秦姬

秦造妻公烏妹以季妣之言告公之迨公之等展轉

相告而乾侯之禍起矣

昭伯內子已上五人皆見昭二十五年

南孺子季桓子妻桓子死後生男爲康子所殺見哀三年

衛夫人

莊姜

莊公夫人齊女桓公嫡母

厲婦 莊公次妃陳女生孝伯早死

戴媽 厲婦弟桓公生母

嬖人 莊公嬖妾州吁母莊公寵其子卒以致亂 已上四

人皆見隱三年

夷姜 莊公妾宣公庶母烝之生急子後宣公又取急子妻

自縊而死

宣姜 齊女本急子婦宣公自娶之生壽及朔後與朔潛殺

急子並及於壽宣公死又通於庶兄公子頑生子女

五人曰齊子戴公文公宋桓夫人許穆夫人

長人 懿公夫人閔二年公禦狄與之繡衣使守國後公戰

死夫人未詳所終

夫人

戴公夫人閔二年傳歸夫人魚軒卽戴夫人也

定姜

定公夫人齊女獻公嫡母成十四年言於定公復孫

林父及公卒又論大子不哀斷其將亡襄十四年獻公果出奔使祝宗告廟姜以三罪責之見微知著通達大體衛之賢夫人也

敬妣

定公姜獻公生母襄二十六年強命子鮮與甯喜要

言以復獻公

嬖妾

獻公姜使師曹誨之琴見襄十四年

宣姜

襄公夫人齊女靈公嫡母見昭七年無子後通於公

子朝昭二十年助朝作亂靈公幾亡亂定後被殺

案宣美謚也前之淫夫人得此猶云冠以君謚後則以淫惡被戮之人而別以美謚加之何耶

媼始 襄公嬖妾生公孟縶及靈公見昭七年

南子 靈公夫人宋女蒯聵母逆於宋人子朝及歸衛靈公

爲之召朝定十四年蒯聵謀殺之不克懼而奔晉哀
二年靈公卒立公子郢不從竟立適孫輒而拒父之
事起矣 案衛之夫人嬖妾見傳者十有六人而淫
者四康叔武公之化衰矣顧淫如南子亦何足責而
靈公乃公然爲之召朝獨何心哉點箒洗兒之風固

有聞之者矣悲夫

呂姜

蒯賁夫人見哀十七年

夫人

出公夫人夏戊女始而嬖既而寵衰並惡其弟期哀

二十五年期與彌牟等攻公公奔越後因不能返國
恨期以及夫人竟殺其所生之子夫人何不幸而遇
此君也

衛諸婦

婦人

衛穆公卒晉三卿自役往弔哭於大門之外婦人哭

於門內見成二年 案此婦人當是君夫人與宗婦
並然傳無明文故附於諸婦內詳見後陳婦人註

孔姬 孔文子妻靈公女蒯聩姊通於豎渾良夫哀十五年
迎聩入國迨其子慳立之明年慳被聩逐奉母奔宋
姦疾娶宋子朝女孔文子使疾出之

初妻弟疾愛之既出妻暗迎其姊寘之別室

孔姑 孔文子女使大叔疾出其初妻以姑妻之因疾匿其

初妻之姊嫁季姑及疾出奔國人立其弟遺又以姑
嫁之 案孔文子令疾出其妻而嫁以女也奇奪其
女而復以嫁遺也奇遺之受嫂也奇姑之甘心嫁其
夫之弟也尤奇雖然其母孔姬也其母之母南子也
其國之先夫人一宣美而再宣美也寡廉恥喪名節

其來有自矣於孔姑乎何尤

大叔孳婦晉公子愨女疾之母也 已上四人並見哀十一年

因傳文連及之故次第仍其舊

戎州已氏妻劇瓚因其髮美使髡之爲呂姜髡後瓚失國入其家
爲其夫婦所殺見哀十七年

晉夫人

賈君 獻公夫人賈國姬姓之女無子其後惠公烝焉 案

莊二十八年傳文當是獻公元妃僖十五年傳杜注
以爲次妃者非

齊姜 武公娶齊諡也獻公烝之生秦穆夫人大子申生

案獻烝於齊姜惠卽烝於買君報應之不爽如此

大戎狐姬獻公娶姬姓戎之女文公母

小戎子獻公娶惠公母亦戎女子其姓也杜注云允姓戎謬
驪姬 驪戎女獻公伐戎得之嬖後竟立爲夫人生奚齊姬
謀殺申生立其子爲大子卒以亂晉

其姊 生卓子已上六人並見莊二十八年

梁嬴 惠公夫人梁女懷公母見僖十七年

懷嬴 懷公夫人秦穆公女僖二十二年放懷公逃歸後文
公至秦又納之見僖二十三年

季隗 唐咎如女隗姓文公居狄時所納生伯儵叔劉公得

國後狄人歸於晉其班在三

姜氏

齊女齊桓公以之妻文公後與子犯謀醉文公而遺之真可謂女中之雄矣 二人並見僖二十三年

文嬴

文公夫人秦穆公女襄公嫡母僖二十四年逃之歸三十三年爲秦請三帥於襄公 案此亦文公甥女也取之爲夫人可乎然以視辰嬴則又少殺矣

辰嬴

卽懷嬴文公納之生公子樂其班在九人 案辰嬴以甥女兼姪婦而事文公男女皆恬不知恥至賈季反以娶於二君爲榮真禽獸不如矣

偁始

文公妻媾姓女襄公生母其班在二

杜祁 文公娶杜伯之後祁姓女公子雍母讓偏姑季隗皆在已上故班在四 三人並見文六年

穆嬴 襄公夫人秦女靈公母文七年晉人逆公子雍將至

嬴抱大子突於朝且以大義責趙盾盾乃立靈公

案抱子啼朝頓首趙氏語言沈痛作用深微夫人可謂能矣而其子偏以不君被弑貽母氏羞抑獨何哉
悼夫人 平公母杞桓公女襄二十三年爲杞孝公服喪二十九年責叔侯治杞田不忠明年食城杞與人

衛姬 衛獻公女納於平公而獻公始得釋不惟輕齊鄭之

請且取同姓女矣其失伯也宜哉見襄二十六年

四姬 昭元年子產言平公內寵有四姬焉衛姬卽四姬之

一其三人傳無明文可考附記於此

少姜 平公側室當是齊靈公女昭二年韓須逆之有寵於

公稱之曰少齊未幾卒

緇室 亦當是靈公女昭三年韓起往逆齊公孫薑以已女

易之 案靈公納魯僑如女生景公當在成末襄初

至昭元年約三十餘歲似不應有出嫁女玩傳文不

腆先君之適猶有先君之適等語故知是靈公女也

晉諸婦

惠公女名姜梁麻所生懷公妹見僖十七年

叔隗 季隗節公以賜趙衰生盾趙姬請而逆之

趙姬 文公女趙衰正室生原同屏括樓與請逆叔隗於狄

以爲內子而已下之且以盾爲才請之以爲嫡子

樂姬不惟能護且能識人可謂才且賢矣而其三子

或剛愎或淫亂偏以不賢兼不才爲母氏羞也悲夫

介之推母推不言祿於文公母與之俱隱而死 已上三人俱

見傳二十四年

冀缺妻佚稱妻值之相敬如賓胥臣因而薦缺於文公見傳

末年

甯麻妻見文五年

婦人 靈公殺宰夫使婦人載以過朝見宣二年 案已下

諸婦人俱詳見陳婦人註

靈輒母見宣二年

靈子靈見宣十五年

趙莊姬趙朔妻成公女趙武之母通於叔父趙嬰齊見成四年後趙同趙括遂娶齊姬譜二人於景公而稱之趙滅趙氏微韓厥言復立其子則衰盾之祀斬矣淫婦人之禍其烈如此吁可畏哉

苟首妻如齊逆女見成五年

伯宗妻常戒伯宗直言不見聽果死於三郤之譖見成十五

年

婦人

屬公田與婦人先殺而飲酒見成十七年

樂祁

樂厲妻范宣子女樂盈母厲死祁通於家臣州賓竟

與乃父共逐其子而滅樂氏淫惡不仁尤爲僅見

叔向母羊舌職妻常論叔虎母美必生惡子又沮子叔向娶

巫臣女及向娶之生楊食我知其必滅宗神哉母乎

何見之明也

叔虎母羊舌職妾 已上三人俱見襄二十一年

二婦人襄二十三年鞏范宣子如公宮

荀盈妻如齊逆女見昭九年

雍子女昭十四年雍子與邢侯爭田不勝納女於叔魚魚遂歸罪邢侯邢侯殺其翁壻於朝

邢勝室勝與臧皆邢盈家臣二人通室邢盈執之勝賂荀躒謂諸頃公執盈盈他臣殺勝與臧公殺盈滅其族並滅羊舌氏案兩人易妻淫亂已極盈執而戮之不爲過但不言於君則非也顧其罪何至滅族且及羊舌乎頃公信讒自剪公室而國遂分於強臣悲夫

鄆滅室

叔向妻巫臣女向母以夏姬美而淫其女必生惡子不可娶平公強使娶之生食我竟以滅族噫異矣

子容母伯華妻叔向嫂

賈大夫妻魏舒所稱未詳何國附記於此 已上五人並見昭

二十八年

鄭夫人

武姜

武公夫人申女莊公與叔段之母愛少子卒以致禍

見隱元年

鄧曼

莊公夫人鄧女昭公母

雍姑

莊公妾宋雍氏女厲公母 二人皆見桓十一年

媯氏

昭公夫人陳桓公女隱八年逆之

文莘

文公夫人楚女僖二十二年勞楚子於柯澤且送之

單

姜氏

文公妾齊女同文芊勞楚成王

燕姑

文公妾南燕女公與之蘭而御之生子名之曰蘭是

爲穆公

陳媯

子儀妃文公叔母也公報之生子華子臧

江女

文公妾生公子士

蘇女

文公妾生公子瑕子禽彌 已上四人皆見宣三年

宋子

穆公妾宋女生子然子孔

圭媯

穆公妾陳女生士子孔 二人皆見襄十九年

穆妃嬖

靈公與夏姬之母當是穆公次妃見昭二十八年

鄭諸婦

猶考叔母考叔請遺肉於母以感莊公見隱元年

雍姬 雍糾妻祭仲女厲公使糾殺仲姬知之告仲而殺其

夫

祭仲妻雍姬母以人盡夫也告其女是何言也然微此言則
仲死矣 二人並見桓十五年

女樂 襄十一年鄭人賂晉悼公女樂二八註云十六人也

案女樂之名前此不見於傳論語齊人歸女樂在
魯定公時蓋一邦作俑列國效尤而此風遂不可止
矣春秋時婦人飲酒田獵之事往往與君卿大夫共

之又安知非女樂輩耶徒以襄公前傳無明文尙論者不敢臆斷耳

堵狗妻晉范氏女狗爲堵女父族鄭殺女父恐狗囚范氏爲亂故奪而歸之見襄十五年

游販奪婦飯如晉遇逆妻者奪之爲其夫所殺見襄二十二年徐吾犯妹子南已聘之子皙又強使委禽犯從子產言令妹自擇妹竟嫁子南見昭元年 案此爲女子擇配之始
罕虎妻齊子尾氏女見昭九年

蔡夫人

太子般妻靈侯夫人楚女其父景侯通焉見襄三十年

曹諸婦

傷及鬪以婦人而能識晉公子真奇人也見僖二十三年

芮夫人

芮姜 芮伯萬之母惡芮伯多寵人逐之見桓三年

息夫人

息媯 息侯夫人陳女莊十四年楚文王滅息娶之其後事

詳楚

宋夫人

桓夫人衛宣姜所生昭伯之長女也見閔二年

襄夫人襄王姊文八年殺昭公之黨後欲通公子鮑鮑不可

助之施十六年弑昭公立鮑是爲文公

共姬

共公夫人平公母魯宣公女穆姜所生伯姬也成八

年華元聘求昏公孫壽納幣九年魯季孫行父如宋

致女衛晉齊三國媵之十五年共公卒薨居三十四

年襄三十年逮乎火災而卒 案共姬以待保母而

死於火左公譏其女而不歸其言謬矣共姬年逾六

十恪守婦道以死春秋已來夫人一人而已聖人於

其卒也係之以宋災於其葬也冠之以夫證所以著

其賢行風厲千秋也豈曰小補之哉 再案共姬以

成九年嫁穆姜以襄九年卒十九年中經傳皆未載

其一歸寧豈文之偶缺與抑知其母之淫於叔孫而不忍見與否則以共姬之賢斷未有忌其親者也

共姬妾取棄以入宮者案此人是共姬侍妾非共公妾也
附載於此以質學者

尚司徒女其家棄之共姬收而養之宮名之曰棄平公納之生
佐襄二十六年與左師謀殺世子痤而立佐爲世子
元夫人小邾女季平子外姊又爲平子妻母昭二十年與公
適華氏食諸子

夫人 景公夫人見哀十七年

景曹 景諡曹姓景公夫人哀二十三年卒見傳此卽哀十

七年傳之夫人也杜注是元公夫人大謬元公子爲
景公元夫人當稱元曹何得稱景曹乎正義謂是景
公母曹氏以子之證加於母一部傳文有如此稱謂
者乎尤爲不通案宋元公女爲魯季平子妻其子
景公爲季平子內兄弟平子之子桓子爲景公之甥
桓子之子康子爲景公之遠甥故傳云宋景曹卒康
子使冉求往弔且送葬曰以肥之得備彌甥云云文
義正合註家不細釋前後傳文任意妄說豈不可笑

宋諸婦

孔父嘉葬以其美也華督殺孔父而娶之見桓二年案督則

克矣嘉則死矣乃美而黠者奈何甘心以色事人也

咄咄怪事

南宮萬孫弒君後自御其母如陳見莊十二年

蕩伯姬魯女爲蕩氏妻者僖二十五年如魯逆婦

伯姬之婦當是魯僖公女

華吳妻吳華臯比家臣華臣殺吳並幽其妻見襄十七年

姆 女師共姬待之不至遂死於火見襄三十年

華亥妻見昭二十年

杞姒 皇野妻生皇非我見哀十七年

陳夫人

元妃鄭姬哀公夫人牛禱太子偃師

二妃 生公子留哀公嬖之

下妃 生公子勝 案兩妃母家不傳未知是元妃之姊否

三人並見昭八年

陳諸婦

婦人 莊十二年宋南宮萬弒君奔陳陳人使婦人飲之酒

醉而執之杜氏注無明文案周禮秋官司厲其奴男

子入於罪隸女子入於春槩疏云奴者坐盜賊而爲

奴也女子輸於春人槩人以役之也又地官春人奄

二人女春扞二人槩人奄八人女槩二人疏云春人

掌春榆之事橋人掌冗食者由周禮推之則此等婦人當是女子有罪充當春橋者之屬 案袁枚詩話一條云春秋時衛使婦人飲南宮萬以酒醉而縛之此婦人是伎女之始不然焉有良家女子而肯陪人飲酒者乎云云此說非也考之左傳渾稱婦人者甚多其人不一類杜氏亦多未注然以周禮証之皆可約略而得如成二年衛穆公卒晉三卿自役往弔哭於大門之外婦人哭於門內此婦人當是衛之君夫人與宗婦輩也成十七年晉厲公田先與婦人殺而飲酒哀十四年齊簡公與婦人飲酒於檀臺此等婦

人當是宮妾鬻寵帶也宣二年晉靈公殺宰夫使婦
人載以過朝成十七年齊慶克通於聲孟子與婦人
蒙衣乘輦而入於閔襄二十三年晉范宣子使二婦
人輦以如宮此等婦人當是春槁之女奴輩也昭二
十八年周郊婦人見尹固而尤之當是庶人家之婦
人也陳人飲宋萬酒之婦人正是春槁女奴之屬否
則或是襄十一年鄭人賂晉侯之女樂輩耳蓋女樂
者爲歌舞以悅人則與人飲酒亦無所用其避嫌而
斷斷非後世之伎女也袁氏尙論不確信口撫拾樸
人不淺不可以不辨 案左傳莊九年管仲受知於

齊桓公舉以爲相莊十三年桓公會諸侯於北杏遂
稱霸管仲相齊圖霸事業盡在此三四年中則所謂
女閭三百當即在魯莊十年至十二三年宋萬之弑
君奔陳在莊之十二年正復同時安得與越事並論
而謂皆在飲宋萬酒以後乎且以陳人而詛爲衛人
尤爲荒謬學者著書立說考古証今所以開導後學
也豈可率爾操觚任意爲之而以誤人乎或曰詩人
之見不過如此不可以學問二字律之也嗚呼陋矣
陳人之婦莊十九年經魯公子結往媵之不知爲誰
懿氏妻卜妻敬仲其妻占之見莊二十二年

夏姬

御叔妻鄭靈公同母妹御叔死陳靈公與孔寧儀行父皆通之其子夏徵舒弑靈公孔儀奔楚宣十一年楚莊王討徵舒殺之欲取夏姬以巫臣言而止子反亦因其言不敢取王以賜連尹襄老襄老死於燔之役其子黑要烝之成二年巫臣以計竊之奔晉子反等恨之滅巫臣族並殺黑要巫臣遂通吳於晉教之叛楚子反等奔命而死皆夏姬之爲之也其女嫁晉叔向生食我竟以滅族是不祥人也巫臣之言固不誣哉 案春秋多淫婦人而夏姬所歷者得七人焉

曰御叔曰靈公曰孔儀曰襄老父子曰巫臣在當時

亦爲僅見者

賈獲母襄二十五年鄭入陳獲以車授君與妻扶其母以免

賈獲妻

公女 未詳何公女亦未詳所嫁之人見哀十一年

杞夫人

伯姬 德公夫人魯莊公女莊二十五年歸於杞二十七年

公會姬於洮已而來寧僖五年來寧成風二十八年

再寧成風三十一年又求婦於魯

子叔姬當是魯文公妹因伯姬求婦已許嫁於杞文十二年

桓公朝魯請絕叔姬而無絕昏蓋欲求其次者以爲

夫人也是年叔姬卒 案桓公以魯僖二十四年卽
位至文十二年已二十二年矣

叔姬

桓公夫人亦當是魯文公妹成五年大歸於魯八年
卒九年桓公逆其喪以歸 案叔姬始歸不見經傳
蓋在文十二年以後至成五年約已二十餘年矣有
何失德而爲桓公所出耶顧氏以爲與子叔姬是一
人一事左氏誤而重書之然又安知其不爲二人二
事耶照依經傳列爲二人爲是

齊夫人

衛姬

僖公娶桓公母見昭十三年先補於此

王姬 襄公夫人當是桓王女莊元年單伯送之魯爲之築

館莊二年卒

連稱妹襄公妾無懼公孫無知作亂約爲內應見莊八年

王姬 一稱共姬桓公夫人當是莊王女莊十一年歸於齊

蔡姬 亦桓公夫人蕩舟以懼公公怒歸之蔡蔡人嫁之見

僖三年

徐嬴 亦桓公夫人徐女

長衛姬 一稱共姬桓公妾衛女生公子無虧 案俞寧世謂

此人卽是衛之齊子是以男子爲婦人矣謬甚

少衛姬亦衛女故以長少別之生公子元是爲惠公

鄭姬 鄭女生公子昭是爲孝公

葛贏 葛女生公子滿是爲昭公

密姬 密女生公子商是爲懿公

宋華子 宋華氏女生公子雍 已上六人皆桓公內寵如夫

人者並見僖十七年

子叔姬 昭公夫人舍之母魯女文十四年商人弑舍而執叔

姬明年歸之魯

蕭同叔子 惠公夫人頃公母蕭君同叔之女宣十七年笑晉卻

克成二年克以諸侯之師伐齊欲以之爲質事雖未

行取辱甚矣 案宣十七年傳齊侯帷婦人使觀之

此婦人卽頃公母當時君母君夫人皆可概稱婦人
故知成二年衛之哭於門內者有君夫人在也

齊子無字頃公夫人靈公母宋女通於慶克魯叔孫僑如奔齊

又通之成十七年因鮑牽等責慶克訴而朋之並逐
高無咎殺國佐淫虐已甚而靈公若罔聞知何耶

顏懿姬靈公夫人魯姬姓顏氏之女懿諡也無子

穉聲姬懿姬姪生公子光是爲莊公

仲子 靈公妾宋女生公子牙

戎子 亦宋女仲子以牙屬戎子戎子請以爲大子莊公卽

位殺戎子 已上四人並見襄十九年

穆孟姬魯叔孫僑如女納諸靈公生景公見襄二十五年後
爲陳氏諱高唐見昭十年

燕姬 景公夫人北燕女昭七年歸於齊無子

子仲之子子仲魯公子慙生女名重爲景公夫人見昭二十七
年

鸞姬 景公妾生公子荼景公卒荼立哀六年陳乞弑荼立
陽生如爲陽生所害

胡姬 景公妾哀六年陽生使姬以荼如賴已而殺荼八年
姬亦被殺

季姬 魯季康子妹以妻穆公陽生其叔季鮒侯通焉哀八

年公使閔邱明逆之

齊諸婦

懿妾 以晉公子謀告姜氏姜氏殺之見傳二十三年

閔職妻懿公納之職與邴歌共弑公見文十八年

叔姬 高固妻魯宣公女宣五年固逆之於魯

晉提妻見成二年

婦人 慶克通於聲孟子與婦人蒙衣乘輦而入於閔見成

十七年詳見前陳婦人註

宗婦 襄二年如魯送齊姜之葬

杞梁妻梁戰死於莒妻迎其喪不受莊公郊弔見襄二十三年

年

棠姜

棠公妻東郭偃姊棠公死崔杼娶之莊公通焉襄二

十五年杼弑公後其子自相殘殺姜縊杼亦自殺

閻邱嬰妻莊公弑嬰載妻以奔魯見襄二十五年

慶封內封與嬰易內子而飲酒 案封嬰易內真禽獸不如

矣兩家內子公然相從尤不可解欲不滅亾得乎

盧蒲嬰內

無字母陳文子婦桓子母

盧蒲姜慶舍女盧蒲葵妻與葵共謀殺其父舍之凶頑固宜

得此報而姜其鼻鏡矣 案雍姬告父殺其夫盧蒲

姜助夫殺其父春秋時婦人無所不有如此 已上

四人並見襄二十七年

公孫蕉女昭三年晉韓起逆繼室於齊薑以已女易公女

子士之母陳乞委哀六年乞使之養陽生於家

婦人 簡公與婦人飲酒於植臺見哀十四年

楚夫人

鄧曼 武夫人鄧女文母桓十三年論屈瑕敗師莊四年又

論武心蕩將死楚夫人中之賢者

文夫人卽息媯莊十四年文滅息娶之生堵敖及成文死其

弟子元通之 案莊三十年傅子元歸自伐鄭而處

王宮蓋蠱之謀已成而未言者又安於無言矣不言
通而通自見尙何疑乎

鄭二姬文萃二女僖二十二年成過鄭取之以歸

莊夫人共母襄九年卒

秦嬴 共夫人秦景公妹襄十二年歸於楚

巴姬 共妾巴女見昭十三年

鄭女 公孫段之女昭元年靈爲令尹逆之

晉姬 靈夫人晉平公女昭五年令尹子蕩逆之晉韓起叔

向送之

鄭對女昭十九年奔平於蔡生大子建後建廢出奔女歸母

家昭二十三年吳大子取之以歸

蘇氏 秦女平木爲大子建聘因費無極言自取之生昭見

昭十九年

昭夫人越女惠母見哀六年

楚諸婦

鬬伯昆母若放妻邲女

邲子女伯比從母畜於邲淫其女生子文邲子遂以女妻之

二人並見宣四年

伍舉妻申公王子牟女見襄二十六年

申亥女靈緜於亥家亥殺二女以殉見昭十三年

季芊

名昇我昭妹定四年昭出奔攜之以出途中遇盜鍾

建負而從之亂定昭遂以之嫁建 案世族譜云季

芊昇我是二人其說不可從

后臧母爲吳所俘見定五年

秦夫人

穆姬

穆公夫人晉獻公女康公母僖十五年娶穆公以免

晉惠公

后子母桓公夫人卽景公母也昭元年后子奉母命奔晉

秦諸婦

簡璽

秦穆公女穆姬所生見僖十五年 案此女未詳所

夫

如不及齊

通懷麻耶文麻耶抑隨蕭史而仙者耶

女五人見儲二十三年中一人爲懷麻其四人不知爲誰附

誌於此

許夫人

穆夫人衛宣姜所生昭伯之次女也懿公滅亡思歸不得賦
載馳之詩見閔二年 案宣姜淫夫人也而所生宋
桓許穆兩夫人皆貞而賢然兩夫人亦何不幸而遇
此淫母與

莒夫人

向姜 莒子夫人向女不安於莒而歸向隱二年莒子入向

取之

莒諸婦

叔姬 魯莊公女莒慶婦莊二十七年逆之

蔡婦 與夫報仇以破紀鄆者見昭十九年

邾夫人

齊姜 文公元妃齊女生定公

晉姬 文公二妃晉女生捷菑 並見文十四年

小邾夫人

夫人 魯季公若姊季平子姑宋元公妻母也見昭二十五

年一案此未知是穆公夫人否小邾自穆公外其君

未見傳附記於此

紀夫人

伯姬

紀侯夫人魯女隱二年翟縞逆之莊四年卒未幾紀侯大去其國齊襄公以夫人禮葬之

叔姬

伯姬之娣待年於國隱七年始歸紀莊四年紀侯去國叔姬還魯迨紀季自定於齊乃復歸於鄆蓋能全節守義以終婦道者也莊二十九年卒

邠夫人

季姬

邠子夫人魯女僖十四年來寧且使邠子朝魯十六年卒

江夫人

江芊 成妹嫁於江商臣享之而察其言見文元年

邲夫人

夫人 邲子夫人其女通於楚鬬伯比生子夫人使棄之見

宣四年

邲夫人

伯姬 邲子夫人魯女宣十六年大歸

邲夫人

夫人 邲子夫人宋向戌女昭十八年邲人俘之

邲諸婦

左傳卷之九十一
鄆子女邾莊公俘鄆夫人及其女既而歸夫人而取其女

徐夫人

夫人 徐子夫人昭三十年吳滅徐徐子攜夫人奔楚

潞夫人

伯姬 潞子嬰兒夫人晉景公姊爲其臣鄆舒所殺見宣十

五年 案戎狄婦人祇見此一人故附於末

春秋左傳釋人卷十二

河內范照黎乙青寫

古人考

古人者何春秋以前之人也二百四十二年列國所稱引見於傳者二百餘人綜而錄之共爲一卷左傳之人幾無遺漏矣其人以十二公見傳先後次第之不以時代分不以世次分不以國分不以稱引之邦分庶便於學者之檢閱云

隱公

惠公

魯先君隱公父

宋武公宋先君魯桓公外祖父 名司空遂改司空爲司城

見桓六年

鄭武公鄭先君莊公父

虢叔 東虢君 案此人當是文王母弟虢叔後人之爲君

者非卽文王母弟也古人伯叔每世稱之如晉趙氏

世稱孟智氏世稱伯是也其國滅在春秋前

宋宣公宋先君穆公兄殤公父

衛莊公衛先君桓公父

周任 周大夫

周公 武王母弟魯始封君

大嶽 神農後唐堯臣許國先人 襄十四年又稱四嶽

蘇忿生 武王司寇蘇公

桓公

武王

晉穆侯 晉先君文侯父

姜氏 穆侯夫人

仇 晉先君文侯名

成師 桓叔名文侯母弟

靖侯 晉先君桓叔高祖樂賓之祖

昭侯 文侯子

孝侯

昭侯子

僖侯

晉君名司徒遂廢司徒爲中軍

獻

魯先君獻公名眞

武

魯先君武公名敖 以具敖二山爲名遂廢二山見

桓六年

莊公

皐陶

禹

湯

桀

紂

戴

宋先君戴公

武宣見前

穆莊入春秋詳世次

桓公

鄭始封君

閔公

吳大伯周大王長子

僖公

召康公召公奭北燕始封君

大公

呂尚齊始封君

昭王

成王孫南巡涉漢船壞溺死

成仲

仲雍曾孫周章弟周武王封之於虞是爲虞公非仲

雍也杜注謂卽仲雍者謬 案日知錄云史記大伯
奔荆蠻自號勾吳荆蠻義之歸之者千餘家立爲吳
大伯大伯卒無子弟仲雍立仲雍卒子季簡立季簡
卒子叔達立叔達卒子周章立武王克商求大伯仲
雍之後時周章已君吳因而封之別封周章弟仲於
故夏之城是爲虞仲據此則仲雍爲吳仲雍而虞仲
者仲雍之曾孫也商之諸侯故有虞國如詩所云虞
芮質成者其後國以武王封周章之弟於其地仍稱
虞國乃有虞仲之名以虞仲爲仲雍是不考古者之
謬也其說甚是今從之附記於此

大王 文王祖父

號仲 仲與叔皆字文王母弟仲封於西號叔封於東號

號叔

王季 文王父

文王

微子啓紂庶兄宋始封君

史佚 武王大史名佚

唐叔 成王母弟晉始封君 昭元年又稱大叔

箕子 名胥餘紂叔父杜氏以爲紂庶兄謬甚

大皞 伏羲風姓之先

辛有 周平王時大夫

召穆公名虎周卿士

厲 鄭桓公父周厲王

宣 厲王子周中興君宣王也鄭桓公同母兄

黃帝 軒轅氏姬姓之先 文十八年又稱帝鴻氏

成王 武王子

祝融 高辛氏火正楚之遠祖

鬻熊 祝融後楚先君

熊摯 熊繹元孫有疾楚人廢之立其弟熊廷而封之於夔

若敖 名熊儀楚武祖父

曹叔振鐸文王子曹始封君

康叔 武王母弟衛始封君

相 夏后啓之孫

夏后皐 夏桀祖父

舜

鯀 夏禹之父 昭七年其神化爲黃熊

文公

芮良夫 厲王大夫

契 堯舜之臣湯之先祖

不畀 后稷子

左傳卷十二

五

如不及齋

帝乙

微子父

后稷

堯舜之臣武王先祖

魯公

伯禽周公子魯先君 昭十二年又稱禽父

蚡冒

名熊煦若敖孫楚武兄杜氏以爲武之父誤

高陽氏顓頊之號 有才子八人稱八愷

蒼舒

隤斂

構斂

大臨

尤降

庭堅

杜氏注皇陶字魚氏易林以龙降庭堅爲皇陶後人
未詳孰是此人已見五年因脩八愷故列於此

仲容

叔遠

已上八愷

高辛氏帝嚳之號 有才子八人稱八元

伯奮

仲堪

叔獻

季仲

伯虎

仲熊

叔豹

季狸

已上八元

堯

少皞氏金天氏之號黃帝子已姓之先

緡雲氏黃帝時官

渾敦 帝鴻氏不才子

顓奇 少皞氏不才子

檮杌 顓頊氏不才子

饕餮 緡雲氏不才子 已上四凶

宣公

仲山甫宣王時臣

伯僚 南燕先君

仲虺 湯左相薛之先君

成公

檀伯達武王時臣

襄公

后羿 有窮國之君 滅夏后相 代夏有天下 爲其臣 寒浞所

殺

世羅

伯因

熊兇

龙圉

西人皆羿之賢臣

伯明氏寒國之君伯明其名

寒浞

伯明氏子弟羿收用之卒以誅羿

羿子

爲浞所殺

羿室

羿妻浞取之生二子

澆

豷

二人皆浞取羿室所生後皆爲少康所殺

靡

夏后相臣有兩氏後卒滅寒浞而立少康

有兩氏夏諸侯之國

少康 夏后相遺腹子

后杼 少康子 哀元年又稱季杼

辛甲 武王大史

盤庚 殷賢王宋遠祖

闕伯 陶唐氏火正高辛氏子

相土 契之孫代闕伯居商邱

伊尹 湯相

大甲 湯孫

管 管叔鮮

蔡叔度二人皆武王弟以武庚畔周公討其罪

陶唐氏堯爲唐侯國於中山唐縣後爲天子都於晉陽以陶
唐曰陶唐氏 堯已見文末年陶唐氏見九年因
范宣子引述故錄於此以全其說

御龍氏堯之後有劉累學擾龍於豢龍氏以事夏后孔甲孔
甲賜氏曰御龍以代彭姓豕韋之國後累自遷於魯
縣彭姓復歸國至商而滅累之子後又承其國仍稱
豕韋氏

豕韋氏

唐杜氏殷末豕韋氏國於唐周成王八年滅唐遷其君於杜

爲杜伯杜伯之子名隰叔者適晉四世至士會食邑於范因稱范氏

丁 齊先君大公子丁公也崔杼先人 昭十二年又稱

呂伋

虞闕父舜之後爲武王陶正

元女大姬武王女以妻胡公

胡公 名滿闕父子武王封之於陳

武公 稱先君康叔九世孫

昭公

襄姒 幽王嬖人後立爲后

賈沈

高辛氏次子

臺駘

金天氏裔孫昧之子

唐叔虞虞國季世之君非成王母弟之唐叔虞也

邑姜

武王后齊大公女

昧

金天氏裔孫爲水官

允格

杜氏未注或云卽臺駘或曰臺駘兄未知孰是

箕伯

宜栢

虞遂

伯戲

四人皆舜後裔陳氏先人

啓

禹子

康

成王子康王

穆

昭王子穆王

幽

宣王子西周亡國之君

高圉

公劉六世孫

亞圉

高圉子大王祖父 二人皆周先君殷諸侯也

弗父何宋潛公子讓國於其弟厲公

厲公

潛公次子

正考父弗父何曾孫孔父嘉之父

幕

舜之先

晉賈

舜父

遂

舜後放諸侯

此人當卽是晏子所稱之虞遂

逢公

放諸侯居齊地者

熊繹

楚始封君

王孫牟康叔子衛先君

爰父

唐叔子晉先君

昆吾

陸終氏昆吾子楚先君季連之兄故稱伯父

祭謀父祭公周卿士謀父其名

祈招

祈父周司馬招其名

炎帝

神農氏姜姓之先

共工氏大皞後之諸侯

鳳鳥氏已下至九扈皆少皞時官名昭十七年鄭子所引

元鳥氏

伯趙氏

青鳥氏

丹鳥氏

祝鳩氏

鵙鳩氏

鷹鳩氏

爽鳩氏

三

卷一

上

甲下及齊

鶉鳩氏

五雉

九扈

昆吾

夏時諸侯非楚伯父昆吾也

季荊

虞夏間諸侯代爽鳩氏有國者

逢伯陵殷諸侯代季荊

蒲姑氏殷周之間代逢伯者

夷王

周先王厲王父

有仍氏古諸侯

元妻

有仍女蕤妻

后夔 舜典樂之官

伯封 夔子

颺叔安 颺國名叔安其君董父之先世

豢龍氏 名董父舜之臣

孔甲 夏王少康之後

重 爲句芒木正也

該 爲蓐收金正也

修 與熙代爲元冥水正也

熙 已上四人少皞氏四叔

犁 爲祝融火正也 額頊氏子

左傳卷八十一
句龍 爲后土土正也 共工氏子

烈山氏神農時諸侯

柱 烈山氏子爲稷田正也夏已上祀之湯代夏廢柱而
以周之始祖棄代之是爲后稷

定公

奚仲 薛始封君爲夏禹車正

煬公 伯禽子魯先君

封父 古諸侯

條氏

徐氏

蕭氏

索氏

長勺氏

尾勺氏已上殷民六族從周公於魯者

陶氏

施氏

繁氏

錡氏

樊氏

饒氏

終葵氏已上殷民七族從康叔於衛者

聃季 周公弟爲司空

陶叔 爲司徒

蔡仲 名胡蔡叔子改父之行周公請於成王復封之蔡

大姒 文王后妃

哀公

后緡 夏后相妻有仍氏女相爲澆滅逃歸母家生少康

椒 澆之臣

虞思 虞君舜之後夏諸侯

二姚 虞思二女以妻少康

女艾

少康臣

孝

魯先君孝公

補遺

攜王

杜註幽王少子褒姒所生伯服也見昭二十六年

案竹書紀年幽王三年褒姒五年王世子宜曰出

奔申八年王立褒姒之子伯服爲太子十一年申人

誅人及犬戎入周弑王及世子伯服申侯魯侯許男

鄭子立宜曰於申

是爲平王

號公翰立王子余臣於攜周

二王並立平王二十一年晉文侯殺王子余臣於攜

據此說則攜王非伯服矣且幽王被弑時伯服卽被

法傳卷之十一
十一

殷並未自位焉得謂之攝王乎杜氏誤註宜從紀年
爲是

春秋左傳釋人附錄

河內范照蒙乙青卷

同名考

傳中之人同名甚多有本國相同者有異邦相同者
有一名而同至數人者有男子而名同婦人者前人
纂錄往往掛漏不全雜亂無序今以見傳先後爲次
第先本國後異邦其伯仲字暨證與字相連如敬仲
成季
之相同者並考而彙錄之學者檢閱較爲詳備云

周

兩榮叔一莊王使錫魯桓公命見莊元年

一襄王使如魯歸合見文五年

兩州鳩一劉州鳩爲成景之族所殺見昭十二年

一冷州鳩樂官論景王鐘見昭二十一年

兩陰忌一被成景之族所殺見昭十二年

一王子朝黨奔莒以叛見昭二十六年

魯

兩公子偃一敗宋師見莊十年

一成公庶弟被刺見成十六年

又鄭亦有公子偃見成三年

兩務人一公冉務人叔仲惠伯宰見文十八年

一公叔務人卽公爲見昭二十九年

兩嬰齊

一子叔聲伯曰公孫嬰齊見成二年

一襄仲次子曰仲嬰齊見成十五年

兩句須

一匡句須見成十七年

一申句須見定十二年

兩南氏

一南蒯曰南氏見昭十三年

一季桓子妻南孺子一曰南氏見哀三年

又衛公子郢一曰南氏見哀二十五年

兩不狝

一公山不狝見定五年

一林不狝死於齊戰見哀十年

兩子羽

一澹臺子羽見哀八年

一顏羽亦日子羽見哀十一年

又晉韓起子亦日子羽見昭五年

衛

兩甯跪

一放於秦見莊六年

一救范氏見哀四年

兩子伯

一懿公戎右見閔二年

一羣公子爲孫林父所殺見襄十四年

兩齊子

一昭伯烝於宣姜所生見閔二年

一齊惡亦曰齊子見昭元年

又魯有子叔齊子見襄十四年

兩良夫一孫良夫見成二年

一渾良夫見哀十五年

兩子魚一庾公差見襄十四年

一祝佗見定四年

兩石圃一石惡從子見襄二十八年

一攻蒯聵及出公入國逐之見哀十七年

兩公子朝一吳季札說之見襄二十九年

一通於靈公嫡母宣姜見昭二十年

又宋亦有公子朝爲司寇見文十六年

又宋別有子朝通於靈夫人南子非公子也另列之

晉

兩嘉父

一逆鄂侯見隱六年

一樂盈黨被殺見襄二十一年

兩榮宏

一武公戎右見桓三年

一襄公御戎見僖三十三年

兩莊伯

一鞏朔見成二年

一士弱稱士莊子亦曰士莊伯見襄二十五年

兩士匄

一范宣子見成十七年

一士文伯見昭六年

兩箕造一樂盈黨被殺見襄二十一年

一有功王室見昭二十二年

兩彌牟一士景伯見昭十三年

一司馬彌牟見昭二十八年

又衛公子郢之子亦曰公孫彌牟見哀二十五年

三無恤一范無恤靈公御戎見文十二年

一邾無恤趙鞅御戎見哀二年

一趙襄子名無恤見哀二十年

鄭

兩洩駕一禦燕師見隱五年

一惡公子瑕見僖三十一年

兩俞彌一洩堵寇亦曰洩堵俞彌見僖二十四年

一子俞彌文公子見宣三年

兩子良一穆公之子公子去疾見宣四年

一穆公孫士子孔之子見襄十九年

兩子張一公孫黑肱見宣十四年

一豐卷見襄三十年

又魯叔孫輒亦曰子張見哀八年

兩子游一公子偃見成六年

一駟偃見昭十六年

又宋有子游南宮萬立之被殺見莊十二年

兩子然一穆公子子孔同母弟見成十年

一駟欲見哀九年

兩子羽一穆公子爲公子班所殺見成十三年

一公孫揮見襄二十四年

兩子石一公孫段

一印段俱見襄二十七年

兩子上一駟帶見襄三十年

一見昭十八年

宋

兩大心一蕭叔大心見莊十二年

一樂大心見昭七年

齊

兩敬仲一高侯見莊二十二年

一管夷吾見閔元年

又陳公子完奔齊亦曰敬仲見莊二十二年

兩無咎一高無咎見成十六年

一棠無咎見襄二十七年

兩子家一析歸父見襄十八年

一慶封見襄二十八年

兩公子一靈公子奔魯後復歸見襄二十一年

一景公子奔魯見哀五年

又魯亦有公子鉏見成十六年

兩須無一陳文子見襄二十二年

一賓須無桓公從臣見昭十三年

兩賈舉一莊公寺人與崔杼謀弑公

一莊公勇士死於崔杼之難俱見襄二十五年

三子車一商子車見襄二十三年

一北郭佐見襄二十八年

一公孫捷見昭八年

又宋向巢弟亦有子車見哀十四年

楚

兩子玉一成得臣見僖二十三年

一觀從見昭十三年

又齊陳瓘亦曰子玉見哀十五年

兩子西一鬬宜申見僖二十六年

一公子申見昭二十六年

又鄭公孫夏亦曰子西見襄十年

兩大心一成得臣子大孫伯見僖二十八年

一臣馬尹見昭三十年

兩字在 一被陳獲見文九年

一爲晉囚見成十六年

兩子良 一令尹子文兄見宣四年

一惠王弟見哀十七年

兩屈蕩 一左廣戎右見宣十二年

一爲連尹見襄十五年

兩宜僚 一熊相宜僚被殺見宣十二年

一熊宜僚不從白公作亂見哀十六年

又宋華費遂待人亦曰宜僚見昭二十年

兩公子申 一救蔡爲司馬後被殺見成六年

一平王庶子卽子西見昭二十六年

兩子蕩一屈巫族被殺見成七年

一遺罷見襄二十七年

又宋樂轡亦曰子蕩見襄六年

兩子木一屈建見襄二十五年

一大子建見哀十六年

又衛行人亦曰子木見哀十二年

三棄疾一公子追舒見襄二十二年

一公子棄疾卽平王見昭六年

一宮廐尹爲吳所獲闔韋龜之父也見昭六年

已上本國中相同者

兩公子馮

一宋莊公未立時曰公子馮見隱三年

一楚人聘鄭見宣十四年

兩百里

一許人見隱十一年

一秦人見僖十三年

兩公子結

一魯人媵陳人之婦見莊十九年

一楚平王庶子見定四年

兩御寇

一陳公子御寇見莊二十二年

一齊夏之御寇見襄二十三年

又楚有屈禦寇見僖二十五年

兩富子 一晉桓莊族見莊二十三年

一鄭大夫諫子產見昭十六年

兩公子元 一楚令尹見莊三十年

一齊惠公未立時曰公子元見文十四年

兩史闢 一號人見莊三十二年

一齊人見昭二十年

兩子般 一魯莊公子見莊三十二年

一鄭駟宏見哀二年

兩公子牙 一魯莊公子見莊三十二年

一齊靈公子見襄十九年

兩成季

一魯季友見莊三十二年

一晉趙衰見文六年

兩共仲

一魯慶父見莊三十二年

一鄭人見成七年

兩孔叔

一鄭人見僖三年

一宋人見文八年

兩師叔

一鄭人三良之一見僖七年

一楚潘尫見文十六年

兩公孫敖

一魯慶父子見僖十五年

一齊莊公勇士從公死於崔氏見襄二十五年

南公子雍 一齊桓公子見僖二十年

一晉文公子見文六年

南子魚 一宋公子目夷見僖二十二年

一楚公子魴見昭十七年

南負羈 一曹僖負羈見僖二十三年

一楚熊負羈見宣十一年

南子臧 一鄭穆公子被殺見僖二十四年

一曹公子欣時見成十三年

南林父 一晉中行桓子見僖二十七年

一衛孫文子見成七年

兩公子賈一魯子叢被刺見僖二十八年

一齊公子被執見襄二十一年

兩公子瑁一衛人元咺立之被殺見僖二十八年

一鄭文公子奔楚見僖三十一年

兩侯孺一曹伯小臣貨晉筮史以歸其君見僖二十八年

一鄭人爲質於楚見成十七年

兩屠擊一晉人將右行以禦狄見僖二十八年

一鄭人祭桑山斬其木見昭十六年

兩處父一晉陽處父見僖三十二年

一魯公斂處父見定七年

兩歸生一鄭公子見文二年

一蔡公孫見襄二十六年

兩公子成一宋莊公子見文二年

一楚人救蔡見成六年

兩公子變一楚人滅蓼見文五年

一蔡司馬被鄭獲見襄八年

兩行父一魯季文子見文六年

一陳儀行父見宣九年

兩射姑一晉狐射姑見文六年

一邠夷射姑見定二年

兩公子朱一楚息公見文九年

一宋元公黨爲華氏所殺見昭二十年

兩僑如一長狄伐魯被獲見文十一年

一魯叔孫宣伯見成二年

兩子孔一楚成嘉見文十二年

一鄭公子嘉見襄八年

兩壽餘一晉魏壽餘見文十三年

一楚申公見哀四年

兩公孫寧一陳孔寧見文十七年

一楚子西之子見哀十七年

兩公子宋一鄆人與子家弑靈公見宣四年

一魯定公未立時曰公子宋見定元年

兩子公一鄆公子宋見宣四年

一齊頃公子見昭十年

兩孫叔一楚令尹孫叔敖見宣十二年

一鄭公子班子被殺見成十三年

兩叔矜一魯宣公弟見宣十七年

一晉叔向見襄十一年

兩于奚一衛仲叔于奚見成二年

一齊管子奚見成十一年

兩周父 一齊鄭周父見成二年

一魯管周父見哀十一年

兩御叔 一陳夏姬之夫見成二年

一魯人譏臧武仲見襄二十二年

兩圍龜 一宋公子被殺見成五年

一楚子支元孫見昭四年

兩子靈 一宋公子圍龜見成五年

一楚申公巫臣見昭二十八年

兩子商 一楚公子辰見成十年

一齊羣公子見昭十年

兩子罕一鄭公子喜見成十年

一宋樂喜見襄六年

兩叔禽一鄭人叔申弟見成十年

一晉人韓起子見昭五年

兩翰胡一晉苑翰胡見成十六年

一曹翰胡見昭二十一年

兩公子實一楚公子成鄭見成十七年

一宋元公黨華氏殺之見昭二十年

兩無字一齊陳無字見襄六年

一楚申無字見昭十一年

兩子展

一鄭公孫舍之見襄八年

一衛獻公弟見襄十四年

兩子蟫

一鄭公孫蠆見襄八年

一衛羣公子被孫林父殺見襄十四年

兩公孫蠆

一鄭子蟫見襄九年

一齊子尾見襄二十八年

兩公子嘉

一鄭子孔見襄九年

一齊景公子見哀五年

兩董父

一魯秦董父見襄十年

一鄭印董父見襄二十六年

兩公孫丁

一衛獻公御見襄十四年

一宋元公黨華氏殺之見昭二十年

兩子行

一衛羣公子被殺見襄十四年

一齊陳逆見哀十一年

兩子石

一宋褚師段見襄二十年

一齊公孫青見昭二十年

兩邴師

一晉欒盈黨被殺見襄二十一年

一齊莊公勇士死崔杼之難見襄二十五年

兩昇我

一邾人奔魯見襄二十三年

一楚昭王妹鍾建負之從王出奔見定四年

兩饒茂一鄭然明見襄二十四年

一齊莊公臣被殺見襄二十五年

兩公孫揮一鄭行人子羽見襄二十四年

一齊人從艾陵之戰見哀十一年

兩公孫夏一鄭子西見襄二十五年

一齊人艾陵之役被獲見哀十一年

兩掩餘一吳公子掩餘見昭二十三年

一齊桑掩餘見哀十一年

兩子之一齊慶舍見襄二十八年

一衛公孫彌牟見哀十二年

兩公子荆 一衛公南楚見襄二十九年

一魯哀公庶子見哀二十四年

兩子容 一齊高止見襄二十九年

一晉羊舌赤子見昭二十八年

兩子皙 一鄭公孫黑見襄二十九年

一楚公子黑肱見昭元年

兩伯石 一鄭公孫段字子石 一曰伯石見襄三十年

一晉楊食我見昭二十八年

兩行子羽 一鄭公孫揮見襄三十一年

一衛人見哀十二年

兩子野一魯襄公子見襄三十一年

一晉師曠見昭八年

兩壽過一越常壽過見昭五年

一周原壽過見定元年

兩子良一齊高彊見昭八年

一晉邾無恤見哀二年

兩公子慈一魯人奔齊見昭十二年

一晉悼公子奔衛見哀十一年

又秦有小子慈見僖二十八年

兩子仲一魯公子慈見昭十二年

一 宋皇野見哀十四年

兩司馬幣 一 楚人見昭十二年

一 晉人卽司馬烏見昭二十二年

兩析朱組 一 衛大夫從靈公出奔見昭二十年

一 魯人爲吳掩見哀八年

又宋有樂朱組見哀二十六年

兩子瑕 一 楚令尹陽句見昭二十三年

一 鄭駟乞見哀十九年

兩公孫朝 一 魯人見昭二十六年

一 楚人見哀十七年

兩王孫賈一楚人從昭王出亡有功見定五年

一衛人見定八年

兩石乞一衛蒯聵黨見哀十五年

一楚白公黨見哀十六年

三得臣一齊東宮得臣見懿三年

一楚子玉曰成得臣見僖二十三年

一魯叔孫莊叔見文元年

三彭生一齊公子害魯桓公被殺見桓十八年

一魯叔仲惠伯見文十一年

一楚人見昭四年

三子國一 周爲國見莊十六年

一 鄭公子發見成五年

一 楚公孫寧見襄十七年

三季子一 魯成季見閔元年

一 吳季札見襄三十一年

一 衛仲由見哀十五年

又晉胥臣亦曰司空季子見僖二十三年

又衛孔氏家臣有子伯季子見哀十六年

三子餘一 晉趙衰見僖二十四年

一 吳大宰嚭見哀八年

一齊大史子餘見哀十四年

三歸父一齊國莊子見僖二十八年

一魯子家見宣十年

一齊析文子見襄十八年

三無地一晉王官無地見文二年

一秦庶長無地見襄十二年

一衛公孫無地見襄二十七年

三弗忌一魯夏父弗忌見文二年

一楚清尹弗忌見成七年

一晉欒弗忌見成十五年

三子山

宋蕩澤被殺見成十五年

齊羣公子見昭十年

吳闔廬子見定四年

三何忌

楚公子何忌見襄三年

齊苑何忌見昭二十年

魯仲孫何忌見昭三十二年

三子皮

衛羣公子爲孫林父所殺見襄十四年

鄭罕虎見襄二十九年

宋華貳見昭二十年

三黑肱

鄭公孫黑肱見襄二十二年

一楚公子黑肱見昭十三年

一邾人以地奔魯見昭三十一年

三子明一鄭游販見襄二十二年

一齊公孫明見昭四年

一宋樂淵見哀八年

三子朝一蔡大師子朝見襄二十六年

一周王子朝亦曰子朝見昭二十二年

一宋朝亦曰子朝見哀十一年

三子旗一齊樂施見昭二年

一楚莫成然見昭十四年

鄭豐施見昭十六年

四子儀

一 周王子克見桓十八年

一 鄭君子儀見桓十八年

一 衛公子瑕母弟被殺見僖三十年

一 楚闞克見文十四年

四子家

一 楚仲歸見文十年

一 鄭公子歸生見文十三年

一 魯公孫歸父見宣十四年

一 蔡公孫歸生見襄二十六年

四子南

一 陳夏徵舒見宣十年

一楚公子逆舒見襄二十一年

一鄭公孫楚見昭元年

一衛公子郢見哀二年

五嬰齊一衛孔嬰齊見閔二年

一晉趙嬰齊見宣十二年

一宋樂嬰齊見宣十五年

一楚令尹子重見成二年

一鄭子驪見昭十九年

已上異邦中相同者

婦人

魯

兩孟子一惠公元妃宋女見隱元年

一昭公天人吳女見哀十二年

兩定姒一襄公生母見襄四年

一定公夫人見定十五年

衛

兩宣姜一宣公娶其子急子之妻見桓十六年

一襄夫人靈公嫡母見昭二十年

齊

石信利ノ
一 兩王姬一 襄公夫人見莊元年

一 桓公夫人見莊十一年

三 衛姬一 僖公姜桓公生母見昭十三年

一 桓公姜生公子無虧曰長衛姬

一 桓公姜生惠公曰少衛姬並見僖十七年

已上本國中相同者

兩 仲子一 魯桓公母見隱元年

一 齊靈公姜見襄十九年

兩 鄧曼一 鄭莊公夫人見桓十一年

一 楚武夫人見桓十三年

兩齊姜一晉武公妾獻公烝之見莊二十八年

一邾文公元妃見文十二年

兩子叔姬一杞桓公夫人見文十二年

一齊昭公夫人見文十四年

已上異邦中相同者

左邱明考

魯人左邱子明唐貞觀十三年詔與顏淵同從祀廟廷宋祥符中贈瑕邱伯政和中改贈中都伯

朱彝尊曰左氏爲孔子弟子主其說者衆矣謂孔子將修春秋與左邱明乘如周觀書於周史歸而修春秋之經邱明爲之傳者嚴彭祖也謂左邱明親見夫子好惡與聖人同者劉歆也謂仲尼與邱明觀魯史記有所褒貶口授弟子弟子退而異言邱明恐弟子各安其意以失其真故論本事而作傳者班固也謂左氏傳理長至明至切至直至順長於二傳者賈逵也謂春秋諸家去孔子遠左氏傳出孔子壘中近得其

實者王充也謂邱明之傳囊括古今表裏人事者盧植也謂邱明受經於仲尼是爲素臣者杜預也謂孔子作春秋邱明子夏造應親受者荀崧也謂邱明之傳釋孔氏之經子應乎母以膠投漆者孔穎達也謂邱明躬爲魯史受經於仲尼者劉知幾也謂左氏受經於仲尼博采諸家敘事尤備能令萬代之下見其本末比餘傳功最高者咬助也謂仲尼明周公之志而修經邱明受仲尼之經而爲傳者權德輿也謂孔氏之門左氏富而不誣有以見聖賢之心者劉軻也謂邱明與聖人同時接其聞見參求其長左氏爲上者陳岳也蓋自唐以前諸儒之論皆以邱明受業孔門故貞觀永徽中祀周公

爲先聖孔子爲先師是時孔庭配食止顏淵左邱明二人褒崇之禮若此迨宋羣儒盡舍三傳說春秋久而論世者惑於趙匡之說則疑左氏在孔子之前惑於王安石之說則疑左氏生孔子之後衆口紛紜迄無定論遂使唐代特祀之先賢并不得與七十子之列然則漢晉以來經生之說均不足信耶竊以爲議禮者之失矣

又曰司馬遷報任少卿書左邱失明厥有國語應劭風俗通邱姓魯左邱明之後然則左邱爲複姓甚明孔子作春秋明爲作傳春秋止獲麟傳乃詳書孔子卒孔子既卒周人以諱事神名終將諱之爲弟子者自當諱師之名此第稱左氏傳

而不書左邱也

案孔子因魯史作春秋左邱明爲之傳使二百四十二年人文事蹟傳於後世有功於聖經不小乃其姓氏里居後之人信口撫拾二千餘年未有確解尙論之可憾莫甚於此錫鬯朱氏斷其人爲魯人氏爲左邱其解甚確洵可爲定論矣夫孔子魯人也本國史作春秋故稱魯曰我稱魯君曰公於他國則不然惟左邱子之亦爲魯人也故稱魯亦曰我稱魯君亦曰公於他國則不然以經証傳昭然可考或見其敘晉邲之盛則以爲晉人或見其紀楚事之詳又以爲左史倚相之後種種謬說不待辨而自屈又如論語中記聖人稱許及

門者甚多用行舍藏惟我與爾以之許顏淵愛人易使偃之
言是以之許言偃何獨於恥其所恥而以許左邱明者謂爲
古之人耶以聖人同里之人爲異國以聖人及門之人爲前
代是皆過於疑古人也吾人奮乎百世之下尙論百世以上
之人代遠年湮茫然失據然而叅互考証不盡無徵與其過
於疑古人無寧過於信古人聖門高足魯國名賢其實不可
誣其名不可紊也故繼朱氏而論之以質世之能讀左傳者
嘉慶六年秋七月朔日范熙蕃書於都門寓舍

後序

宗林自就傳以來讀諸經後繼讀春秋左氏傳味其詞考其義歷歷有當於心而其間世次人名異同錯出雖嘗備考圖譜紀傳鮮有折衷而歸於一是者用是不釋於中蓋生於千百載之下而欲考証於千百載之前非以上智之資而好學深思胸有四庫之書者不能條分而縷析也洎乎僑寓五河漸荒舊業壬戌季冬河內井亭范公以名進士來蒞茲邑政簡刑清士民悅服公餘多暇林因得以時進質所疑公剖示無遺且出其所著春秋左傳釋人一書以示林受而讀之綱舉目張訂訛刊誤胸中數十年之疑義昭然若發矇矣夫知

人論世取善攷資左氏一書實爲聖經羽翼昔杜元凱嗜左氏傳爲之註釋時人稱爲杜武庫如公者抑亦今之武庫也公旣以未余并欲嘉惠來學用是襄其剞劂而敬綴數言於簡末以誌仰止之忱云嘉慶八年癸亥嘉平丹徒于宗林子道拜書

跋

孔子因魯史作春秋左邱明作傳紀載二百四十二年之事
爲後世史家鼻祖顧事繁人衆而氏族之紛歧稱名之錯雜
遂爲左公獨擅之長漢晉諸儒從秦人焚書後爲之註解往
往乖舛後人復參以臆見愈多誣謬然而尋源溯委分派析
支其人之著於傳中者自若也吾叔井亭先生深於左氏傳
歷二十餘年之久纂左傳釋人一書以傳釋人而無支辭以
人還傳而無臆說精詳明核用心獨細而其心亦良苦矣大
任於乾隆壬寅從吾叔遊講課之暇卽示以稿本後叔授學
上鄒馮氏任復負笈往是時釋人已有成書任忝與參校錄

存副本厥後叔遠官粵西雲山迢遞未獲追隨什襲笥中每以不克早梓是書爲憾今歲叔蒞任五河公餘重加點訂付之剞劂任適從遊在署繕寫刊印詳慎校讐是書之有功經傳而裨益後學當代名賢弁語論之甚詳無庸任復贊一辭惟是受業已來二十二載嘉釋人之付梓而任得藉手校讐以觀厥成也遂不揣固陋而跋其後嘉慶癸亥長至前一日受業姪大任謹書於五河縣署之烏哺軒